

II. AUTORIDADES E PERSOAL

a) CESAMENTOS

CONSELLERÍA DE TRABALLO

Orde do 13 de marzo de 2008 pola que se dispón o cesamento de membros do Consello Galego de Cooperativas.

O Decreto 25/2001, do 18 de xaneiro, polo que se regula a organización e funcionamento do Consello Galego de Cooperativas, desenvolve as previsións contidas na súa norma de creación, a Lei 5/1998, do 18 de decembro, de cooperativas de Galicia, regulando no seu artigo 4 a composición, no artigo 5 o procedemento de nomeamento e cesamento dos membros deste órgano, e no artigo 6 as substitucións.

En consecuencia, en virtude das facultades que me confire o artigo 38 da Lei 1/1983, do 22 de febreiro, reguladora da Xunta e da súa Presidencia, reformada pola Lei 11/1998, do 20 de outubro, o artigo 5 e a disposición derradeira 1ª do Decreto 25/2001, do 18 de xaneiro, en relación co Decreto 232/2005, do 11 de agosto, polo que se fixa a estrutura orgánica dos departamentos da Xunta de Galicia, o Decreto 213/2005, do 3 de agosto, que establecen o nomeamento como conselleiro de Traballo, e o Decreto 536/2005, do 6 de outubro, modificado polos decretos 20/2007, do 22 de febreiro, e 14/2008, do 7 de febreiro, que establecen a estrutura orgánica da consellería,

DISPOÑO:

Artigo único:

1. O cese de Manuel García Montero como vogal titular do Consello Galego de Cooperativas en representación da Federación Galega de Municipios e Provincias, e de José Crespo Iglesias, como vocal suplente.

Santiago de Compostela, 13 de marzo de 2008.

Ricardo Jacinto Varela Sánchez
Conselleiro de Traballo

b) NOMEAMENTOS

CONSELLERÍA DE TRABALLO

Orde do 13 de marzo de 2008 pola que se dispón o nomeamento de membros do Consello Galego de Cooperativas.

O Decreto 25/2001, do 18 de xaneiro, polo que se regula a organización e funcionamento do Consello Galego de Cooperativas, desenvolve as previsións contidas na súa norma de creación, a Lei 5/1998, do 18 de decembro, de cooperativas de Galicia, regulando no seu artigo 4 a composición, no artigo 5 o procedemento de nomeamento e cesamento dos membros deste órgano, e no artigo 6 as substitucións.

do no seu artigo 4 a composición, no artigo 5 o procedemento de nomeamento e cesamento dos membros deste órgano, e no artigo 6 as substitucións.

En consecuencia, en virtude das facultades que me confire o artigo 38 da Lei 1/1983, do 22 de febreiro, reguladora da Xunta e da súa Presidencia, reformada pola Lei 11/1998, do 20 de outubro, o artigo 5 e a disposición derradeira 1ª do Decreto 25/2001, do 18 de xaneiro, en relación co Decreto 232/2005, do 11 de agosto, polo que se fixa a estrutura orgánica dos departamentos da Xunta de Galicia, o Decreto 213/2005, do 3 de agosto, que establece o nomeamento como conselleiro de Traballo, e o Decreto 536/2005, do 6 de outubro, modificado polos decretos 20/2007, do 22 de febreiro, e 14/2008, do 7 de febreiro, que establecen a estrutura orgánica da consellería,

DISPOÑO:

Artigo único:

1. O nomeamento de Félix Porto Serantes como vogal titular do Consello Galego de Cooperativas en representación da Federación Galega de Municipios e Provincias, e de Francisco J. Fraga Civeira como vogal suplente.

Santiago de Compostela, 13 de marzo de 2008.

Ricardo Jacinto Varela Sánchez
Conselleiro de Traballo

III. OUTRAS DISPOSICIÓNS

CONSELLERÍA DE EDUCACIÓN E ORDENACIÓN UNIVERSITARIA

Decreto 59/2008, do 13 de marzo, polo que se aproba a oferta de emprego público correspondente a prazas de persoal funcionario dos corpos docentes que imparten as ensinanzas reguladas na Lei orgánica 2/2006, do 3 de maio, de educación, da Comunidade Autónoma de Galicia para o ano 2008.

A Lei 4/1988, do 26 de maio, da función pública de Galicia, no seu artigo 29, establece os criterios en que se debe enmarcar a oferta de emprego público, concibida como instrumento de programación das necesidades de persoal e de racionalización do emprego público e dos procesos de selección de persoal, nos cales deben primar os principios constitucionais de igualdade, mérito e capacidade.

O artigo 30 da Lei 16/2007, do 26 de decembro, de orzamentos xerais de Galicia para o ano 2008, determina que o Consello da Xunta de Galicia poderá autorizar, por proposta das consellerías competentes na materia e o informe favorable da Consellería de Eco-

nomía e Facenda, a convocatoria de prazas vacantes que se considere que poidan afectar o funcionamento dos servizos públicos esenciais, e que se concretarán nos sectores, funcións e categorías profesionais que se consideren absolutamente prioritarios, sen que o número das prazas de novo ingreso poida ser superior ao cento por cento da taxa de reposición de efectivos; esta limitación non é aplicable á Consellería de Educación e Ordenación Universitaria en relación co número de prazas para o acceso ao corpo de funcionarios docentes para o desenvolvemento da Lei orgánica 2/2006, do 3 de maio, de educación.

Polo anterior, e tendo en conta a planificación educativa e as prazas vacantes nos distintos corpos docentes que imparten as ensinanzas reguladas na Lei orgánica 2/2006, do 3 de maio, de educación, cómpre a aprobación da oferta de emprego público relativa aos corpos docentes, no ano 2008.

Na súa virtude, consultada a mesa sectorial docente non universitaria, por proposta da conselleira de Educación e Ordenación Universitaria, logo de informe favorable da Consellería de Economía e Facenda e logo de deliberación do Consello da Xunta de Galicia, na súa reunión do día trece de marzo de dous mil oito,

DISPOÑO:

Artigo 1º.-*Aprobación da oferta de emprego público dos corpos docentes.*

Apróbase a oferta de emprego público correspondente aos corpos docentes que imparten as ensinanzas reguladas na Lei orgánica 2/2006, do 3 de maio, de educación, para o ano 2008 nos termos que se establecen neste decreto, e de conformidade co disposto no artigo 29.6º da Lei 4/1988, do 26 de maio, da función pública de Galicia.

Artigo 2º.-*Cuantificación da oferta de emprego público.*

Corpo de mestres: 928.

Corpo de profesores de ensino secundario: 932.

Corpo de profesores técnicos de formación profesional: 82.

Corpo de profesores de escolas oficiais de idiomas: 31.

Corpo de profesores de música e artes escénicas: 35.

Artigo 3º.-*Reserva para persoas con discapacidade.*

Do total de prazas ofertadas para ingreso reservárase unha cota do 7% do conxunto delas para seren cubertas por persoas cun grao de discapacidade igual ou superior ao 33%. A distribución da dita reserva por corpos e especialidades efectuarase na convocatoria das probas selectivas. As prazas que queden vacantes da quenda de discapacidade non se acumularán ás convocadas pola quenda libre.

No suposto de que algún dos aspirantes con discapacidade que se presentase pola quenda de reserva superase a proba e non obtivese praza na citada quenda, sendo a súa puntuación superior á obtida

por outros aspirantes do sistema de acceso xeral, será incluído pola súa orde de puntuación no sistema de acceso xeral.

Artigo 4º.-*Admisión de persoal con discapacidade.*

1. Nas probas selectivas para o acceso ás prazas ofertadas serán admitidas as persoas con discapacidade en igualdade de condicións que os demais aspirantes.

As convocatorias non establecerán exclusións por limitacións físicas ou psíquicas, sen prexuízo das incompatibilidades co desempeño das tarefas ou funcións correspondentes.

2. Nas probas selectivas establecerase, para as persoas con discapacidade que o soliciten, as adaptacións de tempo e medios para a realización. Nas convocatorias indicarase claramente esta posibilidade, así como que os interesados deberán formular a petición concreta na correspondente solicitude de participación.

Para tal efecto os tribunais de selección poderán requirir informe e, se é o caso, colaboración dos órganos técnicos da Administración competente.

Artigo 5º.-*Promoción interna.*

Do total de prazas convocadas para o corpo de profesores de ensino secundario reservárase unha cota do 10% para promoción interna. A distribución da dita reserva por especialidades efectuarase na convocatoria das probas selectivas, sen que se poida superar en ningunha delas o 50% das prazas que se convocan. As prazas que queden vacantes da quenda de promoción interna non se acumularán ás convocadas pola quenda libre.

Artigo 6º.-*Adquisición doutra especialidade.*

A Consellería de Educación e Ordenación Universitaria poderá, ademais, convocar o procedemento para que os funcionarios docentes de carreira que dependen directamente dela poidan acadar unha nova especialidade dentro do corpo ao cal que pertencen.

Disposición derradeira

Primeira.-Habilitación.

Facúltase a conselleira de Educación e Ordenación Universitaria para ditar, dentro das súas competencias, as normas precisas para o desenvolvemento deste decreto.

Segunda.-Entrada en vigor.

Este decreto entrará en vigor o día seguinte ao da súa publicación no *Diario Oficial de Galicia*.

Santiago de Compostela, trece de marzo de dous mil oito.

Emilio Pérez Touriño
Presidente

Laura Sánchez Piñón
Conselleira de Educación e Ordenación
Universitaria